

In sa festa

(A sa festa)

Juanni: Çau Lisandru, intra!

Lisandru: Çau Juanni, norabonas!

Juanni: Gràtzias!

Lisandru: Juanni, issu est Andria. Ndi benit de s'Amèriga.

Juanni: Çau Andria !

Aleni: Çau Juanni ! Norabonas !

Lisandru: T'eus betiu un'arregalu, est unu liburu, a nca podis imparai a umperai sa computadora e is programas de gràfiga.

Juanni: Unu liburu de computadora? Cessu, gràtzias! T'arregalu bellu ki m'eis fatu! Ayò, intrai ca sa festa est inghitzada jai, ddu at totu is amigus mius a intru.

(A intrus 'e domu)

Andria: Çau, a mei mi nanta Andria. Ita ti nanta?

Aleni: Aleni. De aundi ses Andria?

Andria: Deu bivu in New York.

Aleni: Diaderus? Duncas ses ameriganu...

Andria: Eya!

Aleni: Andria, ti bollu presentai a un'amiga mia, di nant Crara. Issa esti nasça in Nùgoro, ma bivit in Casteddu.

Andria: Çau Crara, ita parit?

Crara: Çau Andria! Ge àndat beni.

(Nd'arribat su babu de Juanni)

Juanni: Çau babai !

Tziu Frau: Çau Juanni, spassiendidi' ses ?

Juanni: Eya! T'ollu presentai a is amigus mius. Issu esti Lisandru.

Tziu Frau: Çau Lisandru.

Lisandru: Saludi o Tziu Frau, ita parit ?

Juanni: Andria, issu esti babu miu. Babai, issu est Andria.

Tziu Frau: Çau Andria.

Andria: Saludi o tziu Frau, est unu prexeri a dda connosci!

Tziu Frau: Ascurta o Andria, sardu ses?

Andria: Nossi, deu seu ameriganu. Ndi benju de New York. Is yayus mius e mama mia funt sardus, funt arribaus in Amèriga trinta annus fait, candu mamai fiat pipia.

Tziu Frau: Apu cumprèndiu.

Juanni: E imoi issu est bagantziendi in Sardìnnia...

Tziu Frau: Diaderus? E intza' spassiadi' in Casteddu!

Andria: Gràtzias o tziu Frau! Crasi bollu abisitai Su Fenugu e Crabonaxa, apu intèndiu ki su mari ingunis est bellu meda!

Tziu Frau: Eya, as intèndiu beni!

Juanni: Lisandru, Andria, benei a papa, est arribau su smurtzu!

Andria: Ta fàmmini ki tenju, pigu pani e presutu.

Lisandru: Deu bollu patata a fritu pitziusa cun mayonesa e pàpriga e unu cantu de nuxedda.